

清·方略館 編

清代 方略 全書

北京圖書館出版社



清代方略全書

一一六

清·方略館編

北京圖書館出版社

清·奕訢等撰

欽定剿平粵匪方略

卷一三七——一四六

清同治十一年（一八七二）鉛印本

欽定剿平粵匪方略卷一百三十七 乙卯年

九月十一日

辛未

載增富森奏言接據沔陽州知

州蕭蔭恩等稟報自麥山金口相繼失利後賊
勢猖獗礮船陸勇均由黃陵磯大小軍山退至
新隄嘉魚兩岸分紮其與沔潛通連之蒲團侏
儒山及沌口內之蕭家灣磨子石等處皆爲賊
踞情形萬緊李孟羣僅撥礮船十五隻駛入沙

湖以扼賊由沔潛抄截赴荆之路至漢川以下
賊衆係鹽道常恩督同李保邦等堵禦八月二
十一日賊約四五千入撲至漢川四面攻逼我
軍陣亡及帶傷者約計五六百名餘勇力不能
支以致漢川復失現仍退回沔陽之仙桃鎮鄢
家灣等處駐紮幫同荊州官兵防堵各等語查
沔潛夾乎大江襄河之間三面受敵荊州實倚

之爲外障沔潛設有疏虞荊州卽不可問勢難
束手現飭李孟羣會合王國才堵扼沔陽州屬
之新隄一帶而於隄內監沔交界之沙湖等處
則飭蕭蔭恩派團會合礮船扼要嚴防並飭荊
州府知府陳均遠率同守備福興親往湖內察
其港汊通連要隘處所釘樁塞斷以防賊船乘
間偷越其襄河一路李保邦等旣退回沔陽是

三十一
二
下游已爲賊巢不得不扼住仙桃鎮鄢家灣等處暫行堵遏上竄魁玉所帶兵勇僅二百餘名實屬過少已酌抽滿營兵三百餘名歸其督帶適新募南勇五百名到荆卽令赴李保邦紮營之處會合堵紮均交魁玉就近督飭以資防剿

奏入

上命軍機大臣傳諭載增官文胡林翼曰自麥山金口

相繼失利後賊勢猖獗漢川復失胡林翼暫駐大軍
山收集潰勇現復退至新隄嘉魚兩岸官文此時計
已馳抵德安自難回兵援剿但賊偏沅潛荊州情形
萬分緊要常恩等兵勇甚單設有疏虞所關非細該
督統轄全省其應如何設法應援之處務卽迅速妥
籌現命黃宗漢將駐紮夔巫之兵勇二千調赴荊州
但恐一時未能卽到羅澤南之兵如已馳抵大營卽

可合兵迅圖攻剿沔潛一帶經載增等分撥兵勇防賊紛竄復於郡城附近抽調滿營精兵交魁玉督帶辦理尙合機宜著卽嚴飭各該員實力防堵毋稍疏懈

上又命軍機大臣傳諭黃宗漢曰自麥山金口失利後賊勢猖獗我軍礮船陸勇由黃陵磯大小軍山退紮新隄嘉魚兩岸與潛沔通連之蒲團侏儒山及沌口

之蕭家灣磨子石等處已爲賊踞漢川復失下游皆
係賊巢情形較前倍覺喫緊前有旨令黃宗漢飭署
松潘鎮總兵德恩管帶夔巫防兵二千名赴荆協剿
現在胡林翼之軍甫經挫敗官文前往德安未能兼
顧而荊州兵力尙單恐該匪上竄未能抵禦湖北接
壤蜀境惟有從夔巫上游派兵下壓庶堵剿較易爲
力著將德恩防兵迅飭赴荆並量添兵勇另派得力

大員統領前往川楚唇齒相依荊州卽爲川省門戶
黃宗漢統轄全蜀自未便出省著察看情形於將軍
樂斌提督萬福二員中酌量一員派撥兵勇數千名
由夔巫一帶馳往荊州會合攻剿以資接應

十三日
酉 癸 官文奏言前因金口陸營失陷武漢

賊勢復熾在中途調兵嚴堵沔漢後卽取道天
門由郢東驛京山前進因隨帶祇旗綠兵五百

餘名前調鄖鎮兵一千名未到復於鍾祥挑得壯勇五百名派都司葉永泰管帶先赴德安接應顏朝斌一軍又札調候選知府李錦鑾募勇二千名並巡檢陳時森勇五百名飛催前來分派襄河德安兩處策應臣於上月二十七日抵鍾祥紮營郢東驛接西凌阿等來函及顏朝斌稟稱於中秋後進紮德安之河壩橋各路兵勇

出隊直抵府城二里許我軍以義勇攻北門嚴
樹森等帶勇攻西門該逆分出抵禦我兵奮勇
迎敵已革總兵訥欽帶勇接應殺斃西門之賊
甚衆又繞至東北城角逆衆蠶擁而來我兵極
力鏖戰斃賊多名直追至城根而止次日復有
賊千餘分兩股夾襲張萬祿營盤經顏朝斌督
勇堵禦斃賊一百餘人臣飭顏朝斌等晝夜環

攻卽可得手中路情形據鹽道常恩稟稱上月
紮營漢川紗帽山該逆分四路來撲我軍齊放
槍礮斃賊一百餘名該逆敗走逾時復回撲李
保邦營盤又有另股之賊抄襲我軍後路我軍
迎勦鏖戰三時之久殺賊頗多嗣因賊來愈衆
我軍衆寡不敵退至麥旺嘴連夜整頓隊伍復
調參將札勒罕督勇往勦賊已下竄遂與參將

札勒罕之隊並礮船分紮繫馬口漢川新溝等處現報瀘溪勇頭隊五百名已抵潛江就近令先往仙桃鎮合李保邦之軍以圖進取惟沔陽濱江沙湖一帶甚屬空虛據署臬司李孟羣稟稱擬帶礮船十五隻並舊部之勇暫入沙湖防勦臣卽令其會合中路各軍相機進勦並爲將來合兵圖武漢之助其大江嘉魚以上經胡林

翼督率王國才扼守又有楊載福礮船攔江節
節布置尙可無虞德安利在速戰臣一面嚴催
已赴德安各起兵勇趕緊攻勦一面移營京山
飛提鄖竹官兵暨李錦鑾之勇分派接應並將
中路交李孟羣督辦臣可專力德安以免顧此
失彼奏入

上命軍機大臣傳諭官文胡林翼曰德安利在速戰卽

應迅圖攻克以絕該逆望援之心顏朝斌駐紮府城
西南兵力甚單卽該督添派葉永泰帶往之勇亦屬
無多若俟鄖兵瀘勇到齊誠恐賊援大至不但德安
難復且於大局更增棘手其中路一軍李孟羣旣赴
沙湖卽可責令專辦與載增所派防兵會同嚴扼潛
沔一帶以爲荊州屏障該督仍帶所調兵勇與西凌
川迅速進攻德安俟克復後再與胡林翼等會合圖